

歷代古人像贊

上

歷代古人像贊
上



歷代古人像贊序

嗟乎我思古人良春夢哉其
術游魂矣讀書史則古人心
洞然如復見其然如
畫圖則古人形然如
是書以載古人心祇圖以載
人形像也明矣但書之流傳者
常充棟宇汗馬牛而圖之

者何寥寥然不一二見也暇日
搜檢書軸偶得舊藏歷代古人
圖像一帙展而視之有聖焉有
賢焉有善焉有惡焉上自三代
人各疏以事

實且喜且疑將欲去其惡存其
善置之几案以備觀覽忽乃自
省曰前人作圖不無遠見且國
風載善惡乃彰美刺春秋載善
惡乃寓褒貶古人心術之微一


覽可得前人作圖備寫古人善惡之像其有得於孔聖刪脩之遺意歟座有儒紳應聲對曰殿下所見是矣昔孔子觀乎明堂覩四門墉有堯舜之容桀紂之像各有善惡之狀興廢之誠今殿下覽圖像善惡悟孔聖刪脩之旨與明堂之圖合矣豈拘儒曲士所能及哉予曰嗟乎有是哉因備觀家語所載凡宥坐之

欽器絨口之金人與夫周公相
成王抱之負斧扆南面以朝諸
侯之圖無非昭示勸懲之深意
也遂取前圖各係以小贊四句
雖意淺辭荒不足示人亦一時
好善惡惡真心也一日儒紳復
請曰贊既成矣不并圖刊之何
以廣示遠邇予乃然之曰夫明
鏡所以察形往古所以知今又
孔聖格言也遂壽諸梓與好事

者共之

弘治戊午仲春二日

大明宗室七十翁天然書



伏羲

卦畫先天道開前古
六經之原羣聖之祖



伏羲

大昊伏羲氏姓風母名華胥居于華胥
之渚生帝于成紀以木德繼天而王都於
宛丘生而神明德合天地河出圖洛出書
則而畫之始作八卦以通神明之德以類
萬物之賁因而重之為六十有四教民決
嫌疑定猶豫使不迷於言凶悔吝之塗
又造書契以代結繩之政上古男女無別
始制嫁娶以儷皮為禮教民佃漁黍養
六畜以充庖厨故又曰庖羲氏在位一百一
十五年

神農

藥石權輿農商宗祖
矢札全生飢寒脫苦



神農

炎帝神農氏姓姜氏母曰安登少
典君之正妃以火德代伏羲治天下
故曰炎帝斲木為耜揉木為耒以
教天下之耕致天下之民聚天下之
貨教民日中為市交易而退農商
由此而起矣又嘗百草之味制為醫
藥以療民疾先都于陳後徙曲阜在
位一百四十年

黃帝

參贊兩儀
創興百制
德滿羣生
澤派萬世



黃帝

黃帝軒轅氏姓公孫氏有熊國君少典之子母曰附
實見大電遶北斗樞星感而生帝於軒轅之丘故
因以為名帝生而神靈弱而能言幼而徇齊長
而敦敏成而敏明于時炎帝世衰諸侯相侵伐
軒轅乃習用干戈以征不享諸侯咸歸之乃與
炎帝榆罔戰于阪泉之野克之又殺蚩尤於涿鹿
由是諸侯推尊為天子以土德王作舟車以濟不
通制軒冕別章服使貴賤有等其於宮室書
契棺槨弧矢杵臼之類罔不畢備帝四妃二十五子
得姓者十有四人為十二姓生人以來有姓氏實由
此始在位一百一十歲壽一百一十一歲

少昊

紀官以鳥王德以金
諸福畢至九淵諧音



少昊

少昊金天氏姓姬名摯黃帝次子世
紀云母名女節史又曰嫫祖以金德王
故號金天氏都於曲阜少昊之立也
有鳳鳥適至因以鳳紀官在位八十
四年壽一百歲

顯帝

五官爰命萬物生遂
神民不雜天地以位



顓頊

顓頊高陽氏姓姬黃帝之孫昌意
之子昌意娶蜀山之女曰昌僕是為女
樞生帝於若水年十歲佐少昊年二
十歲佐少昊終金天氏之志年二十
國於高陽故號高陽氏都於帝丘
在位七十八年壽九十八歲

帝嚳

九韶中和萬方悅服
動時執中德疑色郁

